



COMUNITED VSCHINELA DA  
SEGL I/ENGIADINA

## PROTOCOL

### Radunanza generela da la Comunitad vschinela da Segl dals 3 avrigl 2025

PRG 1 – 3-4-2025

**Data:** Gövgia, ils 3 avrigl 2025  
**Lö:** Chesa Cumünela  
**Uras:** 20.00

Suprastanza	Funcziun	S-chüso
Reto Melcher	President	
Martina Rominger	Actuar	
Patrizia Westreicher	Chaschiera	
	Suppleanta	Susi Witschi
Noldi Clalüna	Suppleant	

Tractandas	
<b>1.</b>	<b>Bivgnaint e s-chüsas</b>
	<p>Reto Melcher bivgnaint a tuots a la radunanza generela. El constata cha l'invid saja confuorm culs statüts e cha la radunanza es valabla.</p> <p>Gusti Clalüna vain tschernieu scu scrutinadur.</p> <p>S-chüser as laschan : Roger Rominger, Giancarlo Salis, Sergio Salis, Dario Salis, Madlaina Giovanoli, Rino Schaltegger, Duri Schaltegger, Mario Barblan, Susi Witschi, Tomas Courtin, Corina Küchel, Miriam Moser, Valentina Westreicher, Corina Giovanoli.</p> <p>Reto Melcher vulesch perder ün per plets sur da las duos vschinas chi sun mortas l'an passo - Rieni Bivetti e Dorly Müssgens.</p>

<b>2.</b>	<b>Protocol dals 30 schner 2024</b>
	Martina Rominger legia il protocol da la radunanza dals 30 schner 2024. Il protocol vain approvo unanimamaing cun 19 vuschs.
<b>3.</b>	<b>Sar Jörg Meyer, il nouv chanzlist, as preschainta</b>
	<p>Reto Melcher do il pled a Jörg Meyer. Jörg Meyer es daspö ils 1s avrigl 2025 il nouv chanzlist dal cumün politic da Segl. Sar Jörg Meyer as preschainta.</p> <p>Reto Melcher vules savair da Jörg Meyer scu ch'el separescha sia ideologia politica da sia lavur scu chanzlist. A Jörg Meyer es que fich consciant ch'el stu esser scu chanzlist cumünel politic neutrel e ch'el lavura a la fin dal di per ils abitants e las abitantas dal cumün da Segl.</p>
<b>4.</b>	<b>Rapport presidiel 2024</b>
	<p>Reto Melcher do üna pitschna invista sül an 2024:</p> <p>La suprastanza da la communitè vschinela ho gieu quist an quatter radunanzas.</p> <p>La pü granda lavur quist an d'eira la revisiun dals tschantamaints cun contacts cul Uffizi da vschinaunchas e culla traducziun dal text tudas-ch e rumauntsch grischun in putèr in accord a la ledscha chantunela valenta.</p> <p>L'access da la loipa da Fex a Davous Sellas es gnieu preschanto. La suprastanza ho decis dad accepter la varianta directa da la staziun da pumpas fin tal stabilimaint da partenza da la pendiculera. Als 16 avrigl radunanza cul cumün in chosa.</p> <p>La suprastanza ho giavüscho cha la sauna da sar A. Walther nu vergna eretta sülla parc. 2061. Il stabilimaint provisoric es ün pregüdizi a la riva da Lej da Segl.</p> <p>Diversas trattivas culla Famiglia Walther in chosas barat da terrain parc 2059 e pervi dad üna remisa sün nos terrain chi nun ho ne nos ne il permiss dal cumün politic. La proposta vain auncha preschanteda illa radunanza.</p> <p>Diversas chartas sun idas vi e no adressedas al advocat Bondolfi, il represchantant da duonna Fausta Eskenazi, Fex. Zieva quellas ho duonna Eskenazi retrat sia dumanda ed il cumün vschinel ho tramiss ün quint sur CHF 317.50 per spaisas.</p> <p>Seguaintas dumandas sun gnidas concedidas: Innaivaziun Furtschellas divers, Swisscom/Sunrise antenna Laret, Swisscom/Cablex s-chevs parc. 2965, cuntschet Pignoulas, Uffizi da construcziun bassa dal chantun Grischun. Refüso la dumanda Repower, lingia Beach-Club a Föglias, causa contrat disfavuraivel.</p> <p>Ad ho gieu lö ün'oculera sü Furtschellas causa erosiun ed inverdimaint. La situaziun zieva ün s-chars mez an da vegetaziun cuntainta.</p> <p>Dumanda Leandro Testa barat da terrain Leimer. La dumanda es gnida refüsedada causa ün'offerta insuffizchainta ed interess publics sün parc. 2373.</p> <p>Sar Leimer, Fex: igluminaziun dal god sün terrain dals vschins es gnida refüsedada..</p> <p>Suottascrit contrat da servitut culla famiglia Coretti parc. 2850 Traunter Ovas.</p>

	<p>In chosas chadafö Muot Selvas ho gieu lö als 28.10.2024 üna radnunaza culs différents partenaris. La presidenta ed il chanzlist, chi vess stuvieu fer ün protocol, nu d'eiran preschaints. Aspetto d'eira d'avair resultats fin la fin marz 2025. Fin in uoss nun es capito ünguotta. Edi ed Eva haun desdit il contrat – els aspettaivan cha'l cumün preschainta soluziuns.</p> <p>Il rapport presidiel 2024 vain approvo unanimamaing.</p> <p>Ingrazcher vuless Reto Melcher eir a sias collegas da la suprastanza per la buna collavuraziun.</p>
<b>5. a)</b>	<b>Rendaquint da l'an 2024</b>
	<p>Patricia Westreicher, cassiera, preschainta il rendaquint per l'an 2024. Entredas düraunt l'an 2024, <b>chf 40.00</b> lingia electrica Noldi Clalüna, <b>chf 3250.00</b> diversas natüralisaziuns, <b>chf 2600</b> parkegi Leimer Henri, <b>chf 330.00</b> collecta pic nic Alp Muot Selvas , <b>chf 200.00</b> fit terrain per il grü Heinz Ming, <b>chf 550.00</b> fit terrain Gian Coretti, <b>chf 1650.00</b> cumprita terrain tres il chantun Grischun, <b>chf 317.50</b> spaisas Eskenazi Fausta, <b>chf 250.00</b> fit terrain Gusti Clalüna, <b>chf 24.00</b> fit GKB il fit sülla Banca Chantunela, <b>chf 213.90</b> fit GKB reserva.</p> <p>Sortidas duraunt l'an 2024 <b>chf 250.00</b> salari suprastanza, <b>chf 50.00</b> contribuziun cumuniteds vschinelas dal chantun Grischun, <b>chf 50.00</b> salari Noldi Clalüna, <b>chf 1153.00</b> pic nic alp Muot Selvas, <b>chf 422.00</b> tschaina suprastanza vschinela, <b>chf 319.30</b> spaisas GKB, <b>chf 48.00</b> impösta antecipeada.</p> <p>La cumunitad vschinela ho l'an 2024 fat ün guadagn da <b>chf 7'038.25</b>.</p> <p>Süll conto vains üna faculted pel 31.12.2024 da <b>chf 58'865.22</b>.</p>
<b>5. b)</b>	<b>Rapport dals revisuors</b>
	<p>Ils duos revisuors sun perinclets cul rendaquint ed arcumandan dad approver il rendaquint. A vain vuscho gio cul resultat: unanimamaing cun 19 vuschs.</p>
<b>6.</b>	<b>Barat da terrain culla famiglia Walther, Plaun da Lej</b>
	<p>L'an 1993 es gnieu dô il permiss per fer ün mürin sül terrain dals vschins e da fer ün parchegi. Sar Walter ho adüna tratto quist terrain scu sieu terrain. Cur ch'el ho fabricho sül terrain üna garascha ho Reto Melcher dumando zieva per che ch'el ho fat que. La resposta da Antonio Walther d'eira: Pervi da Corona. La garascha sto auncha hoz e nun es mê gnida fabrichedada inavous ed il cumün politic nun ho fat ünguotta.</p> <p>Suot quella parcella passa ün ovel suotterraun. Scha vi da quel stu gnir fat qualchosa, alura stu il proprietari dal terrain pajer, voul dir ils vschins u il cumün.</p> <p>Reto Melcher preschainta trais variantas scu cha's pudess ir inavaunt cun quist terrain:</p> <p>Varianta 1 :</p> <ul style="list-style-type: none"> <li>- Vender il terrain. La communitad vschinela nu vezza raps, tuot ils raps vaun sül conto « Bodenerlös » dal cumün politic.</li> </ul> <p>Varianta 2:</p> <ul style="list-style-type: none"> <li>- Status quo</li> <li>- Quist terrain es per nus pers</li> <li>- Credibilitad illa Comunitad vschinela vo a perder</li> <li>- Fats e plans dals Walthers staun incunter</li> </ul> <p>Varianta 3:</p> <ul style="list-style-type: none"> <li>- Barat</li> <li>- Main disgusts</li> <li>- Nus vains üna cuntervalur</li> <li>- Scholt problem ovel</li> <li>- Instanzas e prozess vegnan evitos</li> <li>- Güdo a Nico Walter</li> <li>- Cuosts surpiglia la Fam. Walter</li> </ul>

	<p>- Barat Parcella Nr. 2680 e parcella Nr. 2670 per 250 m2 da la parc. 2059</p> <p>Gian Kuhn</p> <ul style="list-style-type: none"> <li>- La parcella da Antonio nu saregia aint illa zona d'agricultura e varegia üna otra valur scu quella aint illa zona agricula. Nus pudessans fer la dumanda per ün fit.</li> </ul> <p>Reto Melcher</p> <ul style="list-style-type: none"> <li>- La parcella as rechatta aint illa zona «übriges Gemeindegebiet». E lo stu'l fer ün BAB.</li> <li>- Cul fit es il problem, sch'el peja u nu peja il fit. Ed il problem cul chanel nun es evas e scha que do ün'inuondaziun stuvains nus u il cumün pajer.</li> </ul> <p>Noldi Clalüna</p> <ul style="list-style-type: none"> <li>- A quel chanel stu gnir fat qualchosa ed uossa es natürelmaing la dumanda chi surpiglia ils cuosts dal chanel. Que es scu üna drainage chi lascha passer l'ova tar bgera plövgia.</li> </ul> <p>Dumeng Giovanoli</p> <ul style="list-style-type: none"> <li>- Nu's pudess lo fer ün contrat cha Antonio Walther es respunsabel per il chanel e ch'el ho da schoglier ils problems.</li> </ul> <p>Reto Melcher</p> <ul style="list-style-type: none"> <li>- Var. 3 : Nus pudains surder ad Antonio Walther la respunsabilted per il chanel.</li> </ul> <p>Reto Zuan</p> <ul style="list-style-type: none"> <li>- Eau chat quel barat es üna bun' idea. Ma eau d'he temma ch'el metta auncha süls</li> <li>- 250 m2 auncha dapü roba illeghela. El ho bgeras ideas.</li> </ul> <p>Andrea Pedrun</p> <ul style="list-style-type: none"> <li>- Scu vegnan nüzzagiedas las parcellas sur la chesa?</li> </ul> <p>Reto Melcher</p> <ul style="list-style-type: none"> <li>- La parcellas sun pasculs.</li> </ul> <p>Marco Füm</p> <ul style="list-style-type: none"> <li>- L'unica roba saregia cha nus barattains ils terrains ed usché nu vessans neir na pü üngüns problems.</li> </ul> <p>Reto Melcher</p> <ul style="list-style-type: none"> <li>- Eau vules cumanzer a rumir sü a Plaun da Lej e cun quist barat pudessans fer il prüm pass.</li> </ul> <p>Chi es per il barat ? 19 vuschs, unanimamaing.</p>
<b>7.</b>	<b>Bunificaziun da la suprastanza seguond art. 7 tschaintamaints 1986</b>
	<p>Noldi Clalüna fo la proposta seguainta:  Reto Melcher President Fr. 1'400.00  Martina Rominger Actuara Fr. 500.00  Patricia Westreicher Chaschiera 500.00  Noldi Clalüna 300.00  Susi Witschi 300.00</p> <p>Que vain dô scu üna peja e quista stu gnir declareda. Per las sedutas nu vain pajo ünguotta.</p> <p>15 vuschs haun accepto la proposta da Noldi Clalüna.  Reto Melcher, Patricia Westreicher e Martina Rominger haun piglio s-chüsa düraunt quist tractandum.</p>
<b>8.</b>	<b>Dumandas da vschinedi l'an 2024</b>
	<p>Nus vains 14 nouvs vschins  Gusti e Lurdes Clalüna  Nadia Clalüna cun Noa Guedes  Ramona Clalüna  Gian Reto Clalüna cun Dalia  Claudio Meuli cun Mo, Jo e Mic</p>

	<p>Silvano Meuli cun Mazzina e Crispin</p> <p>Reto bivgnainta ils nouvs vschins aint il ravuogl.</p>
<b>9.</b>	<b>Infurmaziuns</b>
	<p>a.) Cheva plattas da Fex Reto surdo il pled a Gian Kuhn:</p> <ul style="list-style-type: none"> <li>- Nus vains pudieu fer la festa per ils 10 ans Cheva da plattas Fex.</li> <li>- Nus vains aviert üna nouva via.</li> <li>- Nouv pruvains da vender plattas scu suvenirs.</li> <li>- Nus vains a l'an max. chf 1500.00 entredgias culla vendita per las entredas.</li> <li>- Traunteraint vains auncha donaziuns, ma que es alura gia tuot.</li> <li>- Uschè as po matgnair la nossa cultura, que do radischs ed üna basa.</li> </ul> <p>Reto Zuan</p> <ul style="list-style-type: none"> <li>- Nus nu pudains schmancher ils chf 6'000.00 chi vegnan dal cumün politic minch'an a la Cheva da plattas da Fex.</li> </ul> <p>Dumeng Giovanoli</p> <ul style="list-style-type: none"> <li>- Tuot quellas activiteds staun gnir accumpagnedas, ma lo mauncha l'interess.</li> <li>- Illa Societèd da promoziun vains ils commembers chi pejan üna contribuziun ed ün pêr eir ün pô dapü.</li> <li>- Ils commembers vaun adüna pü invaous e que nu do üngüns nouvs.</li> <li>- As vulesst rester duos differentas organisaziuns u as vulesst inchaminer üna nouva via?</li> </ul> <p>Reto Melcher ingrazcha a Dumeng, Reto, Gian e Marco.</p> <p>b.) Chadafö alp Muot Selvas – radunanza culs pertuchos L'utuon passo ho chatto lö üna tschanteda culs chatscheders, Edi e Eva, Consorzi d'alp, pasters etc. Gusti ho mno la radunanza cun que cha dal cumün nu d'eira tiers üngün oter scu Silvano Meuli. A quella radunanza es gnieu discus, decis e protocollo cha la chadafö stuvess gnir deda libra illa sted per ils pasters ed Edi e Eva paun metter suot clef lur vaschella e roba persunela. Zieva cha Edi ed Eva haun dit ch'els schmettan a la fin marz 2025 ho Reto Melcher piglio sü contact cun Edi e Eva e els haun dit ch'els nu haun udieu ünguotta dal cumün.</p> <p>Silvano Meuli</p> <ul style="list-style-type: none"> <li>- Que vez eau ün po oter.</li> <li>- Nus vaivans differentas sedutas e vessans fat diversas robas.</li> <li>- Eau d'he penso cha nus vains chatto bunas soluziuns.</li> <li>- Eau d'he gia organiso divers müdamaints scu ün cumpartimaint per metter aint lur roba, üna megltra rait da handy etc.</li> <li>- Lönch d'heja penso cha nus hegians chatto üna buna via e cha vegna a funcziuner.</li> <li>- L'unic punct ch'els vaivan ün po temma d'eira cha qualchün dal Consorzi d' alps piglia gio l'alp e la chadafö. Ma lo vains nus eir dit cha qualchün neutrel dal cumün stu ir a piglier gio ils locals.</li> </ul> <p>Reto Melcher</p> <ul style="list-style-type: none"> <li>- Scu vo que inavaunt.</li> </ul> <p>Silvano Meuli</p> <ul style="list-style-type: none"> <li>- L'alp vain uossa scrit oura per il prossem inviern.</li> </ul>

	<ul style="list-style-type: none"> <li>- Lo es eir auncha la dumanda scu cha que vo inavuant culs fits.</li> <li>- Il cumün vo sü culs fits e las reperaturas pitschnas vegnan eir surpigliedas dal cumün.</li> </ul> <p>Dumeng Giovanoli</p> <ul style="list-style-type: none"> <li>- Dimena vain per l'inviern tschercho ün nouv fittadin e la sted drouvan ils pasters la chadafö cha Edi e Eva druvaivan.</li> <li>- Scu faun ils pasters gio quint aint a Muot Selvas ?</li> <li>- Tar ün nouv fittadin stu eir gnir reglo diversas otras robas.</li> </ul> <p>Silvano Meuli</p> <ul style="list-style-type: none"> <li>- Quellas robas stuvains sclerir cul Plantahof.</li> </ul> <p>Gusti Clalüna</p> <ul style="list-style-type: none"> <li>- Il paster fo üna glista e do gio a las impostas che ch'el piglia aint.</li> <li>- Il paster fo sün egen quint, que es üna part da sia peja.</li> <li>- Sch'el ho ün bun an ho'l dapü e sch'el ho ün nosch an ho'l ün po pü pocha peja.</li> </ul> <p>c.) Sanaziun argins e tunnel Fedacla  Reto Melcher informescha ch'el ho survgnieu contrats per il Pro d'alp suot per suottascriver. El surdo il pled a Silvano Meuli.</p> <p>Silvano Meuli informescha sur las lavurs aint a Fex e tar il tunnel.</p>				
<b>10.</b>	<b>Varia</b>				
	<p>Als 27 october 2025 do que üna radunanza generela culs tschantamaints revais. Quels vegnan miss sül internet.</p> <p>Quella saira haun eir lö las tschernas per la suprastanza vschinela – a vain giavüscho da purter novs candidats.</p> <p>La gita ho lö als 22 gün 2025 u als 29 gün 2025. Per la segunda data rimplazzess Noldi Clalüna a Reto Melcher.</p> <p>Marco Fümme ingrazcha per tuot que cha la suprastanza ho fat.</p> <p>Seduta es a fin las 22:00</p>				
	<table style="width: 100%; border: none;"> <tr> <td style="width: 50%; vertical-align: top;">L'actuara:</td> <td style="width: 50%; vertical-align: top;">Il president:</td> </tr> <tr> <td style="vertical-align: top;"> <p>.....</p> <p>Martina Rominger</p> </td> <td style="vertical-align: top;"> <p>.....</p> <p>Reto Melcher</p> </td> </tr> </table>	L'actuara:	Il president:	<p>.....</p> <p>Martina Rominger</p>	<p>.....</p> <p>Reto Melcher</p>
L'actuara:	Il president:				
<p>.....</p> <p>Martina Rominger</p>	<p>.....</p> <p>Reto Melcher</p>				